

罌粟流原考

孟加拉鴉片煙制度

香港鴉片煙制度

罌粟源流考

罌粟花一物。拉丁文種花卉之古書中屢見。史傳中亦常道及。有羅馬人哥尼流尼波斯所著之書云。羅馬王達耳貴尼欲取伊都利亞國之一城。時先以詭計毒撻世子。世子負傷奔入彼城。彼城人咸以爲王子必深恨其父。終不能父子和睦矣。遂立之爲統領。冀其掌兵權以抗父也。詎知王子反覆尋計。終欲將城歸其父。奈以不獲善策。遂遣人詣父所。謀之於父。父適在花園。爰操刀將罌粟花之最鮮艷高大者。斷數株。與使人使人歸。語諸世子。世子會悟父意。將城中顯官戮數人。復婉言勸諭城中黎庶。使奉其父爲國主。此中國周敬王時事也。

希臘國詩家和美耳亦曾道及罌粟花。其詩集載者有如是。一事適敵人某向希哥多耳戰鬪。敵人發來一矢。未中希哥多耳身。射中其弟之胸。弟遂負痛垂頭和美耳賦詩形容其勢。謂宛如罌粟花放於園中。向旁側欹首沾濃露低垂其葢。蕤之狀與重盔冠頂力不能勝相似。創始希臘國將罌粟汁歸入藥品。謂其能醫治疾病者爲希波革拉低斯。乃中國周威烈王考王安王相繼在位時人也。希臘醫家奉其書爲醫學之宗。凡植物之汁。希臘語均呼爲阿伯斯。呼罌粟爲美根。後變音總統呼爲阿比恩。原爲希臘語也。拉丁語亦如是呼之。雖希波革拉低斯書中未嘗有是名。去其

時未久泰西醫士通以阿比思爲定名矣。拉丁詩家韋而吉利詩中恒有提及罌粟花之語。讚其令人多眠亦讚令人忘憂。並讚其宛同幽冥地府之利低河死者由其河經過。俾其將在世生活時之一應事俱不記憶。乃藉用希臘人俗傳死後飲利低河水忘前世之語也。韋而吉利將罌粟花比擬幽冥地府利低河之外復屢言其爲屬於司穀女神吉利斯之罌粟花。緣希臘國以石彫刻出司穀神之女像手持有罌粟花枝也。由來臆度之家推測司穀神所以手持罌粟花之故所論不同。有謂一日女神出遊至一家暫憩。彼家欲授之餐。女神適知其孩童有疾遂外出爲採罌粟花一掬命彼家製而和乳飼孩童已亦食少許。孩童愈已乃不覺腹餓人故誌之者有謂罌粟爲麥田野花以其與麥同生故持之者。或又有謂罌粟花色白食其子能令人增食量。伊古來賜人五穀百果卽此司穀之女神者。據公理而論古人見麥田中諸野花之艷麗美觀無出罌粟花之右者。故令司穀女神手中持一罌粟花枝也。韋而吉利著之書卽有中國前漢時至東漢中葉復有百利尼著之動植金石物考一書。百利尼羅馬人也更有希臘醫家去斯哥利低斯著之萬種藥料集成一書二書中均著有阿扁龍安人心神止疼使人多眠獲安之各種功效。

中國隋唐之世亞拉伯人自立爲大食國。於代宗廣德元年時建都於底哥利斯河

旁巴哥大抵城呼其王之語曰加利佛伊等極重希臘醫學醫治各種疾病卽用希臘人之法並希臘人所_{用之}各種藥各藥中阿扁亦在內亞拉伯人遂將扁音之在替母下者變入於非母下音若芙蓉巴耳西亞人則變入於並母下音成片是以有阿芙蓉兩片二名稱也細考夫亞拉伯並巴耳西亞語按其意均有是種花之名是其二國於古昔由來應有是花矣因其顏色美艷故而珍重寶貴至歸入藥品之大用乃後時由希臘國傳來之法也

按中國自漢初與南越通關市而互市之制行爲北魏立互市於南陲及宋開寶四年置市舶司於廣州杭州明州等處首卽先言大食通貨

大食國於唐宋時來中國通商故亞拉伯人航海至廣州等處海口携來象牙乳香寶鐵綿花白龍腦白砂糖玻璃器薔薇水等貨並各種藥材相與交易罌粟亦或在藥材中揆厥情形彼時之先中國殆未嘗有罌粟花也伊等並著明其在藥品中爲安心神增飲食令人多眠之物見其所結之實如囊其子如米色不同而大小相若故呼之曰米囊

按唐開海舶西域回教默德那國王謨罕慕德遣其母舅僧蘇哈白賽來中土貿易建光塔及懷聖寺告成尋歿遂葬於此見補志卽明史所載鄭和所至之阿丹嘗查

考之順紅海東濱北志去二千七八百里卽默德那地謨罕驀德死於貞觀六年
唐明皇時陳藏器述嵩陽子言曰罌粟花有四葉紅白色上有淺紅暈子其囊形如
隔頭箭中有細米

考之是時大食人之往來中國已足百載而罌粟花有不同薔薇茉莉在中國地
遍種者乎前三百餘年亞拉伯人已將耶悉茗指甲花茉莉帶來

唐郭橐駝種樹書云鶯粟九月九日及中秋夜種之花必大子必滿

見圖書集成博物彙編草木典

鶯粟花部

按郭橐駝家於長安城西豐樂鄉沒後柳宗元爲作傳約盛唐時人觀此卽知罌
粟在彼時於彼處如何矣

唐雍陶西歸出斜谷詩有云行過險棧出褒斜歷盡平川似到家萬里客愁今日散
馬前初見米囊花案雍陶爲四川成都人可知彼時其處已有罌粟花也

由唐至德至宋乾德二百年內大食人來中國者中國書籍雖不曾多載而其時
二大食人紀載之遊華日記邇來譯爲西文是未嘗斷夫往來也罌粟可充藥品
殆亦大食人所告可知故開寶本草卽言其可醫病矣

宋太祖開寶六年命尚藥奉御劉翰道士馬志等九人參訂開寶本草呼罌粟曰罌

子粟一名米囊子又名御米並言其米主治丹石發動不下飲食和竹瀝煮作粥食極美宋蘇軾詩有云道人勸飲鷄蘇水童子能煎鷄粟湯

宋蘇轍種藥苗詩亦有云築室城西中有圖書窗戶之餘松竹扶疏拔棘開畦以毓嘉蔬畦夫告予罌粟可儲罌小如罌粟細如粟與菱偕種與稌偕熟南唐書某實比秋穀研作牛乳烹爲佛粥老人氣衰飲食無幾食肉不消食菜寡味柳鎚石鉢煎以密水便口利喉調肺養胃三年杜門莫適往還幽人衲僧相對忘言飲之一杯大笑欣然我來潁川如遊廬山

宋仁宗詔天下郡縣圖上所產藥物用唐宗高命英國公等修成英公唐本草故事專命太常博士蘇頌撰述成圖經本草其書中云罌粟花處處有之入多時以爲飾花有紅白二種微腥氣其實形如瓶子有米粒極細圃人隔年糞地九月布子泮冬至春始生苗極繁茂不爾則不生生亦不茂俟根焦黃乃采之又云治反胃吐食有罌粟粥用白罌粟米三合入參末三大錢生山芋五寸細切研三物以水二升三合煮取六合入生薑汁及鹽花少許和勻分服不計早晚亦無妨別服湯丸

器局闊遠不與人校長短以禮法自持雖貴奉養如寒士自書契以來經史九流百家之說至於圖緯律呂星官算法山經本草無所不通

按康熙年間德國醫士甘伯佛耳曾奉瑞典君主差派隨使臣至巴耳西亞言及

彼處出阿片之罌粟乃放白花者可恍然於蘇頌時雖阿片之名尚未著於書要已有可出阿片之白罌粟花也而英國植物著名家林得利亦云可製阿片之罌粟卽紅花黑子者一種白花白子者一種

宋徽宗政和中醫官通直郎寇宗奭撰本草衍義其書中云其華亦有千葉者一罌凡數千萬粒大小如葶藶子而色白其米性寒多食利二便動勝脫氣服石人研此水煮加蜜作湯飲之甚宜

宋林洪山家清供中有罌乳魚云將罌粟淨洗磨乳先以小粉置缸底用絹囊濾乳下之去清入釜稍沸函灑淡醋收聚仍入囊壓成塊乃以小粉飯內下乳蒸熟略以紅糲水灑又少蒸取出起作魚片卽罌粟魚見圖書集成至是爲用粟殼之始林洪殆南宋人乎

宋謝謫罌粟花七言絕句云鉛膏細細點花梢道是春深雪未消一斛千囊蒼玉粟

東風吹作米長腰見廣羣芳譜

卽李時珍依次援引書法臆度之以粟殼醫病疑自南宋時始後之楊王二君其殆亦南宋人也旣未載明法由中國何人創用蓋亦由於西方人傳來緣西方人由來以粟殼爲醫病之妙藥也

宋將末時楊士瀛直指方云粟殼治痢人皆薄之固矣然下痢日久腹中無積病當止澀者豈容不澀不有此劑何以對治乎但要有輔佐耳

宋王璆之百一選方中治泄痢赤白用罌粟子炒罌粟殼炙等分爲末煉蜜丸梧子大每服三十九米飲下有人經驗

宋王碩易簡方云粟殼治痢如神但性緊澀多令嘔逆故人畏而不敢服若令醋制加以烏梅則用得法矣或同四君子藥尤不致閉胃妨食而獲奇切也

金劉河間宣明方治欬嗽多年自汗者用罌粟殼二兩半去蒂膜醋炒取一兩烏梅半兩焙爲末每服二錢卧時白湯下

元李杲云罌粟殼收斂固氣能入腎故骨病尤宜

李杲號東垣元時明醫業張元素

元危亦林得効方治久泄不止粟殼去筋蜜炙爲末每服五分蜜湯下穀氣素壯人用之卽効

元朱震亨曰今人虛勞欬嗽多用粟殼止劫及濕熱泄痢者用之止澀其治病之功雖急殺人如劍宜深戒之又云治嗽多用粟殼不必疑但要先去病根此乃收后藥也治痢亦同凡痢須先散邪行滯豈可遽投粟殼龍骨之藥以閉塞腸胃邪氣得補而愈甚所以變症而淹延不已也

朱震亨字彥修號丹溪元史有彼之列傳既云殺人之劍可決其爲出鴉片之罌粟殼矣

元馮子振十八公賦有云或簪烘露之罌粟或戴凝霜之菊英明周定王備方治熱痢便血粟穀醋炙一兩陳皮半兩爲末每服三錢烏梅湯下

前明之初中國已與印度亞拉伯南洋羣島尙夫往來依指南針方向航海行船

幾足三百載

於宣和四年徐兢充使高麗即視指南浮針方向乘船而往者

商務漸盛兼以巴耳西亞人奉爲國

主者與元朝同宗族懋遷交易之事益以多矣是以永樂皇帝卽位屢遣鄭和乘

舟航海越南洋羣島西至阿丹地卽紅海南口今茲往來中西之輪帆恒憩息處

也並至忽魯謨斯地卽巴耳西亞海灣之海口出入處印度東西海濱各地至者

亦不乏所謂小葛蘭古里柯枝等國殆卽印度西鄙之賈倫哥眞加利古德也若

許地面之土產焉能不爲粵東商人販運乎各國之善經商者推回教人爲最中

國人次之鄭和率兵至彼處於中國載貨之商船均可有保護照應赴彼各地貿

易者殆可增多也弘治十一年時佛郎機人初次至柯枝一面理商勢一面征服

其各海口爲己之屬地不數年間凡阿丹忽魯謨斯哥亞古里柯枝小葛蘭並他

海口若許處所均屬於佛郎機矣伊等寓武事於商事回教人所居之各處俱屬

於彼有葡萄牙人

葡萄牙卽佛郎機

巴耳波撒著之書云販貨物赴滿刺加者爲回教人

並他之人均帶阿片至滿刺加處與在彼過之中國商船交易且云亞拉伯地出

之阿片運至印度西濱加利古德亦有由甘拜帶至加利古德者

現出小

洋藥之馬拉瓦甚近

由是觀之甘拜殆爲由來可炮製阿片之處所也光緒八年進口來之洋藥六萬五千七百擔中有馬拉瓦小洋藥二萬九千三百擔甘拜或卽明史中之甘巴里也

明成化時王璽著之醫林集要云阿芙蓉是天方國種紅罌粟花不令水淹頭七八月花謝后刺青皮取之者又云久痢以阿芙蓉小豆許空心溫水化下日一服忌蔥蒜醬水若渴飲蜜水解之又云鴉片治久痢不止罌粟花花卸結殼後三五日午後於殼上用大鍼刺開外面青皮十餘處次日早津出以竹刀刮在磁器內陰乾每用小豆大一粒空心溫水化下忌蔥蒜醬水如熱渴以蜜水解之

按明史王璽列傳謂其鎮守甘肅二十餘年回教人所居之哈密土魯番等處物產醫術習俗自必熟悉故可將阿芙蓉事言之鑿鑿也

適於王璽論阿芙蓉後不數年主弘治年間葡萄牙人

即佛郎人

法斯哥得加馬至

印度之柯枝等處罌粟製爲鴉片之法回教人與印度人習熟已久也印度東西海濱均有炮製鴉片事以備商船懸遷由印度赴緬甸暹羅之東海濱一帶設置

坊作亦不乏伊等運貨至各地交易時此種物亦在其中無不可携而至於中國之廣州廈門等處也

嘉靖二十六年佛郎機

卽葡國亞

船載貨泊浯嶼時漳泉賈人往貿易焉巡海使者柯喬

發兵攻其船而敗者不止都御史宋統獲通販九十餘人斬之通都海禁漸肅治隆慶元年福建巡撫都御史塗澤民請開海禁

東西洋考云宋時發舶海上郡國有司臨水送之嘗登泉山見刻石紀歲月甚夥爾時典葦重云閩在宋元俱設市舶司國初因之後竟廢成弘之際豪門巨室間有乘巨艦貿易海外者奸人陰開其利實而官人不得顯收其利權初亦漸享奇腹久乃引引爲亂矣又云海濱一帶田盡斥鹵耕者無所望歲只有視淵若陵久成習慣富家徵貨固得稠載歸來貧者爲傭亦博升米自給一旦戒嚴不得下水斷其生活若輩悉健有力勢不肯縛手困窮於是所在連結爲亂潰裂以出其久潛踪於外者旣觸網不敢歸又連結遠人鄉導以入矣惟有開海禁徵商稅以及賈舶國始因以裕民始賴以安而歲額兵餉方藉以充也是以其時徵稅之規有水餉有陸餉有加增餉水餉者以船廣狹爲準其餉出於船商陸餉者以貨多寡計值徵輸其餉出於鋪商又慮間有藏匿禁船商無先起貨以鋪商接買貨物應稅之數給號票令就船完

餉而後聽其轉運焉其所云加增餉者殆卽船之尺丈而量加減也又萬曆十七年提督軍門周詳允陸餉貨物抽稅則例沒藥乳香阿魏等貨每百斤均有稅銀定數外阿片每十斤稅銀二錢至四十三年貨物抽稅現行則例阿片每十斤稅銀一錢七分三釐矣

明李挺醫學入門中云鴉片一名阿芙蓉卽罌粟花未開時用竹鍼刺十數孔其津自出次日以竹刀刮在磁器內待積取多了以紙封固曬二七日卽成片矣性急勿多用又云治虛痢及久痢一切諸痢用黃連四兩以吳茱萸煎水浸炒木香一兩阿芙蓉一錢右爲末陳米糊和丸菴豆大每二三十丸以蓮肉煎湯吞下被蓋就睡奏效神矣

見東醫寶鑑

李挺乃正德嘉靖時人嘉靖二年日本人掠中國海濱中國遂罷市舶嚴海禁海外洋貨物不得入口故李挺特詳言由罌粟花中採取鴉片法也

明龔雲林醫鑑云治赤白痢下用鴉片木香黃連白朮各一分研末飯丸小豆大壯者一分老幼半分空心米飲下已酸物生冷油膩茶酒麪無不止者口渴畧飲米湯又方罌粟花未開時外有兩片青葉包之花開卽落收取爲末每米飲服一錢神效赤痢用紅花者白痢用白花者

此以葉醫病法爲他人所未言及

更有可治二十四種病症之一方

治何症以何等藥湯送下名其丸曰一粒金丹法卽用真阿芙蓉一分粳米飯搗作三丸每服一丸未效再進一丸不可多服忌醋令人腸斷伊之萬病回春書中云一粒金丹治氣痛以阿芙蓉卽鴉片二錢半阿魏一錢木香沈香各五分牛黃二分半先將沈香木香牛黃爲末以鴉片阿魏放碗內滴水焙化和蜜爲丸萊豆大金箔爲衣每一粒熱氣痛涼水下冷氣痛滾水下神効彼復有牛黃紫金丹所用以佐阿芙

蓉之藥品乃大同小異

規本草綱目東醫寶鑑

明李時珍本草綱目云罌粟實狀如罌子其米如粟乃象乎穀而可以供御故有御米象穀諸名又云罌粟秋種冬生嫩苗作蔬食甚佳葉如白苣三四月抽臺結青苞花開則苞脫花凡四瓣大如仰盞罌在花中鬚葉裏之花開三日卽謝而罌在莖頭長一二寸大如馬兜鈴上有蓋下有蒂宛然如酒罌中有白米極細可煮粥和飯食水研濾漿同綠豆粉作腐食尤佳亦可取油其殼入藥甚多而本草不載乃知古人不用之也

卽言北來人

江東人呼千葉者爲麗春花或謂是罌粟別種蓋亦不然其花變態本自不常有白者紅者紫者粉紅者杏黃者半紅者半紫者半白者艷麗可愛故

曰麗春又曰賽牡丹曰錦被花詳見遊默齋花譜又謂其米治瀉痢潤燥謂其米治瀉痢潤燥謂其殼以水洗潤去蒂及筋膜取外薄皮陰乾細切以米醋拌炒入藥亦

有蜜炒蜜炙者氣味酸澆微寒無毒得醋烏梅橘皮良止瀉痢固脫肛治遺精久欬
斂肺澀腸止心腹筋骨諸痛又云阿芙蓉俗作鴉片名義未詳或云阿方音稱我也
以其花色似芙蓉而得此名并云阿芙蓉前代罕聞近方有用者云是罌粟花之津
液也罌粟結青苞時午后以大針刺其外面青皮勿損裏面硬皮或三五處次早津
出以竹刀刮收入瓷器陰乾用之故今市者猶有苞片在內氣味酸澀溫微毒治瀉
痢脫肛不止能澀丈夫精氣俗人房中術用之京師售一粒金丹云通治百病皆方
伎家之術耳

明萬曆年間王世懋之花疏云芍藥之後罌粟花最繁華其物能變加意灌植妍好
千態曾有作黃色綠色者遠視佳甚近頗不堪聞其粟可爲腐澀精物也

見圖書
集成

明吳幼培罌粟花詩庭院沉沉白晝長階前仙卉吐羣芳含烟帶雨呈嬌態傳粉凝
脂逞艷妝種自中秋須隔歲開於初夏伴傾陽更誇結子殊纍碩何必汗邪滿榴梁

見廣羣
芳譜

明高濂草花譜云罌粟花有千瓣五色虞美人瓣短而嬌滿園春夾瓣飛動春以子

種

見圖書
集成

明末國初時之物理小識書云罌粟中秋午種花後囊如瓶有細米可粥可以取油

其殼入藥主瀉斂其結青苞時以鍼刺十數眼其津液自出收入瓷器用紙封口暴二七日卽成鴉片最瀉清

觀前數段乃知前明成化以來中國已有內地出之鴉片矣非止今日分外來洋藥本地煙土也觀書者詳閱之惟李時珍所引紅罌粟花爲天方國種七八月後採取東醫寶鑑云治久痢不止罌粟花卸結殼後三五日可取其津均爲由王璽之醫林集要摘來同一人同一書也於彼則言天方於此則若隨處可收殆書一而所引之處不一也故李時珍有方土有異之說矣

前明崇禎年間和蘭國醫士本丟斯久居於咬啣吧地巴大非亞城至崇禎二年壽終於彼平素所記錄見聞事實有一契友爲收拾起越二十九年攞印成書行於世其書中云亞細亞洲諸國凡吞服鴉片者極似恒在睡鄉無精神經理貿易無氣力與人戰爭惟醫士治疾於天氣炎熱之區不用鴉片實難一切霍亂瘟疫中暑瀉痢并肝氣等症時而多有治此諸病俱宜以鴉片爲君并云咬啣吧人民貧寒之家將罌粟之花葉枝莖等製次等鴉片備用富有厚豐者方服用上品鴉片彼又云古昔希臘國人第知鴉片害人之險不知其醫疾各妙用以其未嘗考究至精細處也且本丟斯自與人醫病無論遇瀉痢霍亂疫癘以及羊癩瘋與中風各等症均依賴乎

鴉片成功宛如船之積鐵鋪然爲人治肺氣虛損諸疾曾有用紅花佐鴉片時間或用罌粟殼罌粟子更時言其以鴉片爲人醫疾雖施之與嬰童亦無受傷處緣嚴謹愼審不使溢應用之分也

至明代將終吞服之鴉片將變爲吸食之鴉片矣著錄至此不能不以黃煙爲導引也

黃煙一物原爲美國土產明將末時傳入中國者也火著之而吸其煙亦始於美國土人西班牙人學得其種植吸食法由海船越大東洋而携至呂宋呂宋卽福建漳州泉州南海中之大島也馬尼喇城卽其海口之大埠頭種黃煙極盛其時華人呼煙草爲淡巴姑美國原名曰多巴哥明史呼居呂宋之西班牙人爲佛郎機人居澳門之蒲都家麗人亦呼爲佛郎機人其實佛郎機乃回教人呼歐羅巴人之通稱也唐時華人呼歐羅巴人爲佛鉢卽緣從回教人之呼稱而呼之也物理小識書云萬厯末有携淡巴姑煙草至漳泉者馬氏造之曰淡肉果漸傳至九邊皆銜長管而火點吞吐之有醉仆者崇禎時嚴禁之不止其本似春不老而葉大於菜暴乾以火酒炒之曰金絲煙北人呼爲淡巴姑或磨不歸可以祛濕發散然久服則肺焦諸藥多不效其症忽吐黃水而死

於黃煙傳入中國內地時亦曾傳至英國英君主雅各第一痛民間吸食之風不可已曾著書疾其物并勸諭通國民不可食亦萬歷末年事也

崇德六年上諭王貝勒大臣曰爾等何不親率人習射耶子弟壯者當令以角弓羽箭幼者以木弓柳箭我國武功首重習射之罪非用煙可比用煙之禁前因爾等私用故不能治人至於射藝切不可荒廢嗣後嚴加督率爲是

見華錄

彼時之王貝勒大臣等私用黃煙不能禁人之用者今日之王貝勒大臣等果無私用鴉片者乎

葦鄉贊筆中云明季服煙有禁惟閩人幼而習之他處百無一二也近日賓主相見以此鳴敬俛仰涕唾惡態畢具始則城市服之已而沿及鄉村矣始猶男子服之既則偏滿閨閣矣習俗移人真有不知其然而然者卽此觀之乃知中國人沾染嗜好之易傳開矣至嘉慶道光之時鴉片亦如黃煙黃煙傳遍通國儒家雖鄙而惡之總不能使之中止國家縱嚴爲禁之終未嘗使之盡絕煙之無益於人未嘗至初逆料者之若等大鴉片之爲患於人較人所初逆料者大數倍也無論其爲患大小殆非國家禁止斷絕之易事耳

德國醫士甘伯佛耳於康熙三十二年由巴耳西亞

卽唐之斯波國

咬啣吧日本回歸著成

之書中有云巴耳西亞國人因阿片能增人喜樂使人得安也故呼之爲提利亞吉